



**Pauli Laymanni e Societate Iesu Jus Canonicum
Commentario Perpetuo Explicatum**

Et Uberi Non Minus Ac Varia Qvam Clara Et Solida Doctrina Illustratum

Commentarius In Librum III. Decretalium

Laymann, Paul

Dilingae, 1698

Capitulum Unicvm eodem Titulo in sexto. Clerici.

[urn:nbn:de:hbz:466:1-62482](#)

32 Decret. Greg Lib. III. Tit. III. Cap ultimum.

mancerent ; alij verò post acceptam primam tonsuram matrimonium contraxerunt , & tonsuram nunquam deposuerunt , ut similiter liberi essent à contributione , & vestigalibus . De hac re Anglia Regina questa est Honorio tertio , qui respondet hic , cùm Cæsari reddenda sint , quæ Cæsaris sunt , & Deo , quæ sunt Dei , ideo à talibus conjugatis Clericis , non minus quam ab alijs uxoratis tributa Regia exigi posse .

NOtandum . Clerici in minoribus , qui iuxtoes duxerunt , tributa , aliasque exactiones secularibus Principibus solvere debent , perinde , ac Laici . Consentit cap . unicum eodem tit . in 6 . & docni lib . 4 . t . 9 . c . 7 . n . 4 .

CAPITULUM VLTIMVM. Ut consultationi .

PARAPHRASIS .

Siquis clericalem tonsuram , aut coronam accepit , & postea miles factus sit , cogi non potest ad Clericalem habitum deferendum .

NOtandum . Si Clericus tonsuratus , vel in minoribus Ordinibus constitutus , nolit servire Ecclesiam , nec possideat beneficium , ad tonsuram ferendam cogi non potest , ita Abb . hic . Ratio est , quia talis Clericus liber est à servitio Ecclesiae , atque uxorem ducere non prohibetur . Quod verò hic sermo sit de Clerico , qui militiæ nomen dedit , id exempli loco allatum est . Responsio verò etiam in alijs minoribus Clericis Ecclesiae servitio non mancipatis , aut illud deserentibus accipi debet .

CAPITULUM UNICVM eodem Titulo in sexto .

Clerici .

PARAPHRASIS .

Si Clericus (in minoribus scilicet constitutus) matrimonium contraxit cum uni-

ca , eaque Virgine , atque habitum & tonsuram clericalem defert , privilegio Canonis *Siquis sudente canja 17. q.*
4 . gaudere debet ; sed & privilegium fori retinet , ita ut ad Judicium secularre , seu criminaliter , seu civiliter agatur , trahi non possit ; sed nec Judex aliquis secularis talem Clericum conjugatum in persona , vel in bonis condemnare , aut punire potest , *juxta cap . 2 . de foro competente* , quod sumptum est ex Parisiensi Concilio ; alijs verò Clericorum privilegijs non gaudet Clericus conjugatus , qui cum unica Virgine contraxit , imò nec ijs ipsis , Canonis videlicet & fori , privilegijs frui potest , nisi habitum , & tonsuram ferat , atque in Ecclesiæ servitio sit , uti haberet in Trident . 23 . *scff . c . 6 . de reformatione .*

S U M M A R I U M .

- 1 . Clericus , qui uxorem duxit , ut gaudet privilegijs clericalibus , que de Iure antiquo requirantur ?
- 2 . Reuperantur tamen privilegia clericalia , soluto per mortem uxoris matrimonio , si clericaliter deinceps vivere velit .
- 3 . Potes tamen Clerico conjugato permetti negotiatio .

NOtandum . Clericus , qui uxorem duxit , tanquam Laicus censetur , ita ut Clericorum privilegia non participet , excepto , si uxorem unam Virginem duxit , atque habitum , & tonsuram ferens , aliquius Ecclesiæ servitio , deputatus est , talis enim duo privilegia clericalia habet canonis & fori ; at verò tributa , vestigalia , aliasque confuetas exactiones Magistratui seculari pendere debet *juxta c . ex parte 9 . b . iii .* Vide etiam , quæ docui in cit . c . 2 .

Quætitur primò : Si Clericus in minoribus uxorem duxerit , num privilegia ejus clericalia penitus sint amissa , an verò potius suspensa , ita ut mortuâ uxore ea recupерет , si clericaliter vivere velit . Respond . cum Abb . in c . Clericus 6 . n . 4 . de vita & he-

bonestate. Sanchez lib. 7. de matrimonio. disp. 46. n. 29. quod, foluto matrimonio, privilegia recuperentur à Clerico, nam privato ista privilegiorum uxorem ducenti Clerico decreta non est in paenam, ita ut sit veluti depositio quædam, sed idèò, quod statum alium, cumque incompatibilem, & repugnantem statui clericali, assemplerit: ergo eo statu, veluti obice quodam remoto, per se redire possunt privilegia Clericorum, quandoquidem fundamentum privilegiorum, videlicet Ordo Clericalis, semper manet. Confirmatur ex Clement. 1. de vita & honestate, ubi similiter decernitur, si Clerici macellariorum, aut tabernariorum officium publicè, & perfonaliter exerceant, atque tertio moniti ab Episcopo non defiant, si conjugati sint, ut privilegijs Clericorum omnino priveniunt; sin autem non conjugati, privilegijs priventur, duntaxat quoad bona, nisi in habitu laicali incedant, tunc etiam quoad personas privilegia clericalia amittant, quamdui ejusmodi officijs institerint, uti Gl. ait; recuperabunt igitur privilegium, si defiant. Videri potest Sylvest. V. Clericus 3. q. 5.

Quæritur secundò. Num Clerico conjugato, qui monogamus est, & virginem duxit, atque Ecclesiæ servit, negotiatio permetti possit, ita ut privilegio Canonis, & fori Ecclesiastici, nihilominus gaudeat. Negat hic *Ioan. Andr. n. 3. Dominicus col. ult. Imola in c. Ioann. n. 6. hoc tit. argum. ejus textus*, ubi dicitur, quod tonsura secularia exercentis, in vituperium Clerici tendat. Sed probabilius affirmat *Franciscus S. & cum. n. 5. Sylv. loco cit. q. 3. Co-var. in præl. q. 9. c. 31. n. 8. Sanchez n. 26.* Probatur. Quia de Clericis conjugatis in omnibus judicari debet, sicuti de Laicis, præter casus jure expressos: atqui in Jure Canonico nullibi reperitur expressum, quod Clerici conjugati negotiationem exercere non debeant: ergo ijs permitienda est, sicuti Laicis. Ad c. *Ioannes Respondeo*, sermonem ibi esse de Clericis, qui absolute Clericalem statum & conversationem tenent, & idèò turpe est, si secularibus negotijs se immisceant; hic autem loquimur de Clericis, qui conjugati sunt, & ita multum ad statum Laicalem desciverunt, quos proinde secularia negotia & negotiations non dedecent.

TITULUS IV.

DE CLERICIS NON RESIDENTIBUS IN
ECCLESIA VEL PRÆBENDA.

CAPITULUM I.

Non liceat.

PARAPHRASIS.

Materia ista affinis est ijs, quæ superioribus titulis de Clericis dicta sunt, siquidem ad vitam & honestatem Clericorum pertinet, non tantum, ut in vestitu, tonsurâ, & cunctu moderationem ac decorum servent, à mulierum familiaritate abstineant, & continent vivant, de quibus in superioribus dictum; sed etiam ut in beneficio suorum titulis, atque Ecclesijs residant, atque officium debitum præstent.

Episcopus non potest relictâ Diœcesi suâ ad alium Episcopatum transire, nam talis transitus non nisi ex arrogantia, & plura habendi desiderio procedit; quandoquidem nullus inventus est, qui à civitate majorâ ad minorem transfierit; sumptum est ex consilio generali Sardicensi sub Julio I. can. 1. tom. 1. Concil. Notan-

E

Notan-